

Baibuli y'Abaana
yaaza kukworeka



Noa
n'Omwegyemure
Rwiguuga



Ekahandiikwa: Edward Hughes

Ebishushani bikateerwa: Byron Unger; Lazarus

Ekateekateekwa: M. Maillot; Tammy S.

Ekahindurwa: Z. Kabaza

Ekashohozibwa: Bible for Children
www.M1914.org

©2013 Bible for Children, Inc.

Noobasa kukopoorora nari okuteera omu
kyoma akatabo k'ebigambo ebi, kwonka
torikwikirizibwa kukatunda.



Noa akaba
ari omuntu
orikutangirira
Ruhanga.



Abandi boona
bakaba nibanga
Ruhanga,
bamugomeire.



Ekiro
kimwe Ruhanga
yaagamba ekintu
kirikutiinisa.



“Niinyija
kuhwerekyereza
egi nsi eijwire
ebibi”.



Yaagira Noa ati:
"Eka yaawe yonka
niyo erikwija
kuhonokaho".



Ruhanga akagambira
Noa ku ensi yaabaire
neija kushwekwa
omwegyemure, ...



... yaamuragiira
kukora emeeri rutaaba ei
arihikamu n'eka ye
n'enyamaishwa.



Akamugambira oku yaabaire
eshemereire kukorwa, atyo
Noa yaatandika
omurimo.





Abantu shana
bakashekyeerera
Noa ku

yaabagambiire
eki yaabaire
naakorera
emeeri; ...





... kwonka we
akagumizamu
n'omurimo
gwe.

Akaguma
naabagambira
ebya Ruhanga,
beitu
tibabyetaho.



Noa akaba aine
okwikiriza
kwingi.



Akaikiriza ebi Ruhanga
yaamugambiire,
n'obu enjura
nk'egyo yaabaire
etakagwaga.




Emeeri ku yaahwaire
eikora, obunaku
bw'okutamu
ebirikwetengwa
bwahika.




Enyamaishwa zikaija. Ruhanga
akareeta mushanju mushanju
ez'omuringo gumwe, ...




... na ibiri ibiri ez'omuringo ogundi.



Enyonyi empango n'enkye,
enyamaishwa n'ebikooko
ebikye ...



... munonga n'ebihango n'ebiraingwa,
byona byataaha omu meeri.



Shana abantu
bakashekyeerera Noa
ku baareebire naataasya
enyamaishwa omu
meeri.



Batyo baagumizamu kushiisha
omu maisho ga Ruhanga;
nangwa tibarashabire
nabo kutaaha omu
meeri.



Enyamaishwa zoonu n'enyonyi
ku zaaaherize kutaahamu,

Ruhanga
yaagira
Noa ati:
"Taaha omu
meeri n'eka
yaawe yoonu".




Atyo Noa n'omukazi we,

abatabani
bonshatu
n'abakazi
baabo

baataaha omu
meeri, Ruhanga
yaakinga orwigi!





Enjura
nyamwingi yaija,
yaasheesheka aha nsi
okumara ebiro makumi
ana, nyomushana
na nyekiro.





Omwegyemure
gukeeshuka omu
ndembo n'omu byaro.





Ahu
enjura
yaakyeereire,
n'enshozi zoonna zikaba
zishwekirwe amaizi.






Obwo
buri kyona
ekyabaire kiine omwitsyo
kikaba kyafiire.



Amaizi ku
gaashandaire,
emeeri yaaguma
neegazeereeraho;
reero Noa n'ab'eka
ye baagumamu
bari gye.




A vibrant, stylized illustration of a landscape. In the top left, a bright yellow sun with rays shines down. The sky is a clear blue. The ground is divided into green hills and a grey rocky area. A white bull with blue horns is positioned in the center, facing right. A wooden structure, possibly a platform or altar, is in the foreground. The text is overlaid on the scene.

Amaizi gakamara ameezi
ataano gashandaire aha
nsi; Ruhanga yaayohereza
omuyaga

kugoomya.





Emeeri nayo ekaguma
neeshuma aha maizi
garikutuuba okuhitsya
obu yaahikire aha
nshozi
za

Araraati.



Noa akaguma omu meeri
ebindi biro makumi ana,
go amaizi nigongyera
kutuuba.



Noa yaigura edirisa, yaashohoza
ekikoona, yaakikuratsa enkombe.
Ahabw'okuburwa ah'okuteekama,
enkombe yo yaagaruka, Noa
yaagigarura omu meeri.





Yaamara ebiro
mushanju,
yaagaruka
yaashohoza egyo
nkombe; egyo nkombe
yaamureetera akababi
kato k'omuzeituuni.





Noa yaamara
ebindi biro
mushanju,
yaashohoza egyo
nkombe, tiyaagaruka;
atyo Noa yaamanya
ku amaizi goomire.




Ruhanga yaagambira Noa
ati: Shohora arugye omu
meeri.



Atyo we n'eka ye baashohoza
enyamaishwa na byona
ebiine amagara
ebyabaire
birimu, ...



... na bwanyima
nabo baashohora.



Noa yaashemererwa
munonga,
yaayombokyera


Mukama
eitambiro, ...



... yaaramya Ruhanga
owaamukirize
n'eka ye ogwo


mwegyemure
ruhwerekyereza.





Ruhanga
yaamariirira
obutagaruka
kucwera abantu

ahabw'ebibi
byabo naabaita
omwegyeemure.



Yaataho
omuhanganzima
gw'okumwijutsya

endagaano
ye.



Noa n'eka
ye batyo baatandika
okutuura busya omu
nsi bwanyima

y'omwegyemure.



Abaabakomookiremu
nibo baijwize ensi
yoona. N'ahabw'ekyo
abantu
b'omu

mahanga
goona n'abaana be.



Noa n'Omwegyemure Rwiguuga

Ebi bihirwe omu Kigambo kya
Ruhanga, Baibuli


bishange omu

Okutandika 6-10

"Ebigambo byawe ku bishuuruurwa bireeta
omushana." Zaaburi 119:130



Omuheru



Ebigambo by'omu Baibuli ebi nibitumanyisa
Ruhanga waitu owaatuhangire, kandi
naayenda tumumanye.

Ruhanga naamanya ku turi abasiisi, nitukora
ebibi. Ebihembo by'ekibi n'okufa, kwonka
Ruhanga naatukunda munonga, nikyo
yaayohereze Omwana we, Yesu,
kukufeera aha musharaba akafubirwa
ahabwa ebibi byawe. Kwonka Yesu akazooka
yaagaruka omu Iguru. Ku orikumwikiriza,
waamushaba akusaasire, naija kukusaasira
ebibi byawe. Naija omuriwe hati, naiwe
nooba omuriwe.



Ku oraabe noikiriza
eki, gambira Ruhanga oti:
Ai Yesu, niinyikiriza ku ori Ruhanga, kandi
ku waahindukire omuntu okafa ahabw'ebibi
byangye, okazooka; hati ori ohuriire.
Ninkushaba otaahe omu magara gangye
onsaasire ebibi byangye ntungye amagara
masya hati, bwanyima nyije ntuure naiwe
ebiro byona. Nkwatsa ngume nkworobere
kandi ntwaze gye nk'omwana
waawe. Amiina.

Shoma Baibuli ogambe na Ruhanga buri
izooba. Yohaana 3:16

